

469  
no. 14

# LETTRE

DV MARQUIS DE  
BONNIVET, ENVOYEE  
à Monsieur le Prince  
de Condé.



A PARIS,

Chez Pierre des Hayes, en l'Isle  
du Palais, au nom de Iesus.

---

M. DCXV.

450.

duplicate

not cataloged

LETTRE DV MARQUIS DE  
Bonniuet, enuoyee à Monsieur le  
Prince de Condé.

MONSIEVR, *39<sup>e</sup> prie.*

depuis que i'ay receu les lettres  
de Monsieur le Baron de Cha-  
steau neuf, en datte du 17. Sep-  
tembre dernier passé, ie suis de-  
meuré longuement pensif, sans  
me pouuoir resoudre, notam-  
ment apres auoir apprins qu'il  
ny auoit plus d'asseurance ny au-  
cun lieu de retraicte pour ma  
personne dans tout le Boulon-  
nois & pais de Cōquise, enquoy  
ie recognois assez le peu de sou-  
uenance & la froide assistance  
que i'ay receuë de ceux que i'ay  
par cy deuant cordialement &  
si fidellement seruy au temps où

A ij

pour auoir meilleur moyen d'as-  
 sister mes amis, & leur faire pa-  
 roistre quel estoit mon courage,  
 mon humeur & mon bon natū-  
 rel, ie n'ay espargné, ny mes fa-  
 cultez, ny mes biens, ny ma per-  
 sonne mesme que i'ay tant de  
 fois mis au hazard, tant ie suis  
 ialoux de ceà quoy i'oblige mon  
 cœur & mes affections: & cepē-  
 dant ie voy qu'au lieu de met-  
 tre en prix mes seruices, & me fai-  
 re ressentir le fruit de mes labeurs  
 on me met hors des places que  
 l'on m'auoit données en gouuer-  
 nemēt, sās qu'aucū de mes amis,  
 ny de ceux mesmes que i'ay par  
 cy deuant tāt obligez de seruice  
 ayent prins ma cause en main  
 pour la deffendre, comme si par  
 tout où ie me suis trouué ie m'e-



5  
J'estois endormy en la continuatiō  
de mes debuoirs: ie voy que ie  
suis en pais estranger, halletant  
ma fortune sous les faueurs &  
bōne graces d'autrui, sans pou-  
voir seurement retourner en Frā  
ce pour moy-mesme faire & for-  
mer mes plaintes au Roy, du-  
quel ie n'ay iamais esté que tres-  
affectiōnné seruiteur, ny entre-  
pris chose qui puisse en rien alter-  
rer le repos de son Estat, veu que  
de tous costez les ports & les ha-  
ures sont estroictement gardez,  
par gens de fidelité esprouuee,  
qui à l'occasion de la guerre que  
vous auez commencee, ont re-  
solu de ne me donner entree dās  
le Royaume.

Et par ainsi chassé que ie suis  
hors de ma maison, relegué hors

de mon pays, en prouince estrā-  
gere, loing de mes amis, au grād  
regret des miens & de tous ceux  
qui vous assistent, de qui pour-  
raye, en tel lieu, esperer de l'alle-  
gement & assésurance de pouuoir  
encore en brief rendre seruice à  
mes amis, sinon de vous Mon-  
sieur, qui m'aués promis toute  
courtoisie, faueur & assistance?  
faictes quelque chose pour moy  
& ayés esgard aux supplications  
qui, sans doute, vous en auront  
esté faictes par Madame de la  
Trimoüille, par Monsieur de  
Rohan, mesmes par Monsieur  
le Duc de Longueuille dès lors  
que vous estiez dernièrement à  
Noyon, ce que me promettant  
de vostre Excellence ie feray pa-  
roistre en toutes places que i'en

suis très-humble & obligé ser-  
viteur.

BONNIVET.

Escrit de Londres le 19. d'Octo-  
bre, 1615.

476.